

中華民國109年全國語文競賽試辦本土語文情境式演說題目

閩南語 國小學生組 第16題



禮拜下晡，天氣真好，阿狗兄提球來阮兜，招阮看欲去公園拍球無？我恰阿兄實在真無聊，就決定欲恰伊做伙去拍球。

來到鬧熱的公園，看著有人揀嬰仔出來散步；有人佇運動埕咧走相逐；草埔仔頂，有人放音樂做伙咧練跳舞；閣有外勞陪阿公咧行路運動，嘛有人騎鐵馬四界趟，阿狗兄講：咱來去頭前的籃球場拍球，阮大聲共應好！

球拍甲一半，雄雄變天落大雨，阮規身軀沃甲澹糊糊。阿兄就開始怨嘆早知就莫來拍球，阿狗兄講：這馬先莫講遮的，咱緊來去亭仔跤覘雨較要緊！

過無佹久，雨停矣，我看著天頂出虹，就趕緊叫逐家看。阿兄講：你看！落雨了出虹，這馬我的心情嘛恰虹仝款有夠嬌的！阿狗兄就講：頭拄仔是啥人講後悔來拍球的？人講：跋一倒，拈著一隻金雞母，咱千萬毋通因為一時的不如意，就開始怨嘆。你看！若毋是因為拄才落雨，這馬咱那會有遮爾嬌的虹通好看咧，恁講著毋著？

問題一：你若是阿狗兄，後擺敢會閣招彼个阿兄去拍球？

參考答案

我嘛是會閣招個兄弟仔做伙去拍球，天氣變化無常是咱無法度控制的，我袂因為一擺的怨嘆就無愛佢個做伙，顛倒會鼓勵個愛學習按怎面對問題，解決問題，按呢才有才調做久久長長的朋友。


問題二：做代誌若拄著困難的時，你欲按怎？

參考答案

古早人講：人無千日好，花無百日紅，做代誌若拄著困難的時，我會先冷靜想看佢位有失覺察無？若有，就趕緊改善，萬不一脫筌的所在是我無法度應付的，我就會緊共人喝救命，按呢代誌做了才會順序！

中華民國109年全國語文競賽試辦本土語文情境式演說題目

閩南語 國小學生組 第 20 題



1. 手機仔是咱現代人生活中真重要的用品，毋但會當敲電話、上網看影片、聽歌，甚至耍手機仔遊戲，攞真利便！阿雄雖然是國小六年的學生囡仔，伊的爸母嘛替伊辦一台手機仔，通好方便平常時的聯絡。毋過阿雄煞定定共手機仔提來拍電動、抑是看影片，不時嘛那行路那咧耍手機仔。有一工放學了後，阿雄行佇路裡，又閣那行路那看手機仔，伊無注意著彼時人行道的燈號咧欲變紅燈矣，全款頭仔犁犁，準備欲行出去。

2. 當當（tng-tong）阿雄行向人行道的時，邊仔的汽車燈號變換做青燈，倚佇阿雄後壁的老阿伯恰查某囡仔攞停落來等，干焦顧咧看手機仔的阿雄，跂步攞無停，直接就行出去。這個時陣，雄雄有一台藍色的轎車駛過來，險險仔拚著顧咧耍手機仔的阿雄。

3. 因為是青燈拄起行，藍色轎車的速度無真緊，駕駛看著阿雄顧咧看手機仔，趕緊減速閣抑一聲喇叭共伊警告。駛車的駕駛予阿雄驚甲掣一趔，閣有淡薄仔受氣。隨探頭出來共這個顧咧看手機仔的學生大聲嚷，叫伊愛較細膩咧。

4. 本底顧咧看手機仔的阿雄，予喇叭聲驚一趔，才發現家已無注意燈號已經變矣，差一點仔就予車拚著，又閣緊張、又閣歹勢，趕緊三步做兩步，行向對面的路口。好佳哉！無造成嚴重的意外，實在是萬幸。有這擺的經驗了後，阿雄應該毋敢閣那行那捆（huê）手機仔矣才著。

評判提問：

問題一：若準你是彼个藍色轎車的駕駛，你會按怎做咧？請你講看覓。

參考答案：因為是彼个學生因仔顧咧耍手機仔造成的，我應該會共車暫時停佇路邊，看伊有按怎無？順紕提醒伊毋通閣那行那看手機仔矣，若無後擺若閣拄著這個情形，恐驚就會造成嚴重的意外，到時就欲哭無目屎矣。

問題二：若準你是彼个那行那看手機仔的學生因仔，你想欲對藍色轎車的駕駛講啥物話？

參考答案：阿伯，實在真歹勢呢！因為我家己無注意著燈號，干焦顧咧看手機仔，予你驚一趔！後擺我行路絕對袂閣那行那看手機仔矣，請你原諒我。

中華民國109年全國語文競賽試辦本土語文情境式演說題目

閩南語 國小學生組 第 27 題



1. 這幾冬來，咱臺灣的觀光事業愈來愈興旺，有愈來愈濟外國的觀光客來到臺灣迢迢，攞是為著咱臺灣上出名的夜市仔文化。臺灣的夜市仔有通食、有通咁、有通耍，各種奇巧的迢迢物仔，嘛一四界攞看會著，莫怪毋但外國人、連咱臺灣本地的人攞愛逛夜市仔。這工，阿爸拄入門就興頭頭講：廟口附近有一个新的觀光夜市，欲招阿母佢我做伙去逛逛咧，阮嘛感覺真好玄，想欲去看鬧熱。

2. 阮一路上那行那開講，隨行到夜市仔口，感覺佢臺灣大部份的夜市全款鬧熱，各種食的、咁的、耍的逐項有，煞有一種小可仔無仝的所在。這是一個以「環保」做訴求的觀光夜市，鼓勵人客家己繫餐具抑是盒仔去買轉去食；涼水用罐仔貯轉去咁，罐仔會當回收再利用。擔仔位嘛保持甲真清氣相，阿爸佢阿母那逛那呵佬這個夜市佢臺灣其他的夜市無仝款，希望這個夜市會當愈開愈旺，會當成做未來臺灣夜市仔的模範。

3. 看著夜市仔的擔仔位遐爾清氣相，毋管是芋仔餅、油葱餅、大腸包煙腸，抑是肉圓、牛排、蚵仔煎，逐種攞真好食款。阮規家伙仔食甲腹肚飽滯滯閣真滿足。

4. 落尾，佇咧欲轉去厝裡的時陣，平常時上嚟喙、袂愛咁涼水的阿爸，竟然閣點三杯甘蔗汁欲繫轉去咁！那佢頭家算數閣那逛逛唸講：「嗯！後擺愛會記得繫環保杯仔來貯，按呢較環保！」我佢阿母佇邊仔聽著攞微微仔笑，想講阿爸的口味，遮緊就予這個環保觀光夜市飼牢咧矣。

評判提問：

問題一：你家已敢有佢意抑是無佢意去逛臺灣的夜市？請講出你的理由。


參考答案：我無佢意逛臺灣的夜市，因為臺灣頭到臺灣尾，毋管是食的、淋的、耍的，夜市的型態攞嘛差不多。而且，真濟臺灣的夜市衛生條件攞無蓋清氣相，有時佇夜市仔食物件，那食閣愛那趕胡蠅，實在真無衛生，予人食袂落喙，所以我無佢意逛夜市。

問題二：若準請你講出一種對咱臺灣夜市改革的建議，你會提出啥物建議？

參考答案：我會建議咱愛共佇夜市排擔仔的商家做商業登記，因為一寡佇夜市仔排擔仔的生理往往比一般的店頭的生理閣較交易，必須愛做商業登記才會當拈著營業稅。另外，政府有遮的生理擔仔的商業登記了後，嘛才會當針對個的進貨來源進行檢查佢管制，按呢咱食入去腹肚內的物件，伊的衛生嘛較有保障。

中華民國109年全國語文競賽試辦本土語文情境式演說題目

閩南語 國小學生組 第 31 題



各位評判老師，各位同學，逐家好。我是編號第□號，今仔日我欲佢逐家分享的是第 31 張圖。

上婿的記持是和咱俗意的人做伙。我上愛阮阿爸、阿母。小妹佢我是 in 的糖霜丸，in 個會煮阮四界去迤迤、臺灣行透透。

有一改阮去逛舊街，因為阮阿爸上愛台灣味，伊講舊街會當看著地方的文化。阿母講舊街有傳統的好食物仔上蓋讚，食飽、食巧攞會使啦！我佢小妹是上愛去揣古早味閣好耍的囡仔物。閣有閣有喔，嗯……芳貢貢的點心，我逐項攞俗意！

彼陣是熱天，阿母講會當食好食的冰淇淋。小妹食草莓口味的。恁看，伊驚交落去，遮細膩，用兩肢手提咧，伊閣那舐那笑講「足好食的」。頭家聽甲足歡喜。我是點牛奶的，我倚佇邊仔等甲強欲流喙瀾，頭家叫我小等咧，講愛慢慢仔捲，才捲會婿。

阮那行那食來到木屐店，阿爸講這就是古早的淺拖仔，伊試穿看覓，跣咧跣咧若阿不倒。阿母緊提手機仔出來閣講：「有夠古錐，無翕起無彩。」落尾，阿爸共木屐園轉去無買。

阿母講舊街一定有廟，愛來去拜拜求平安。我共神明講我欲好好仔讀冊，欲佢阮兜的人永遠做伙。後來，阮閣拜託人共阮翕相。阮那跳那比讚，看起來是毋是幸福閣快樂咧？

我就分享到遮，多謝逐家。

問題一： 你有佢厝裡的人做伙去耍無？有啥物難忘的經驗。

參考答案： 阮兜捌去鹿港耍，因為課本內底有教著，阿爸阿母講愛真正去鹿港看看咧，親耳聽毋值得親目看。彼改我有看著足濟古早厝，人講一府二鹿三艋舺，古早足濟生理人，若趁大錢，厝就愈起愈大間，看會出是好額人的厝，足嬌、足四序的，我足想欲蹠佇內底呢！阮閣有去看龍山寺，是足有名的古早廟，嘛足嬌的。

問題二： 你敢捌去𪗇舊街？有看著啥物？抑是食著啥物？

參考答案： 我捌去𪗇深坑仔舊街，佇遐我看著足濟人，閣有足濟古早味的店咧賣豆腐。嘛有人咧賣草仔粿、肉粽、烘豆腐、杏仁茶。閣有塗豆糖。我後來就去食芋圓冰。我想講哪會臺灣的舊街賣的物件攏是彼幾項咧？去到遐，當然愛去食頂港有名聲下港有出名的豆腐，食飽阮閣去買深坑才有的「豆奶冰淇淋」。足好食的喔！